

LA CUNNEIDE

Ahi! Chi vò duppie nu sgalasciu,
terrena ccu difise, e vestiame,
e gioje, e perne, ed uoru, argientu
e rame a butta fasciu.

Lu quannu aju nu granu a stu cusciale
para ca puortu supra nu perù, criditimalu,
nu ne vuogliu cchiù de puntuale

De castuoru, amuer, e scarlatinu sienne
I

vestinu pruopriu li vuccieri e li crapari
fazzinu quartieri suttu nu pinu.

A mie nu giaccu de lana crapina m'è na
gran clame, nu paludamentu e me pare
nu granne adurnamientu jire npurcina.

Caincunijinu tutti a voglia luoru bobbe
ammassate ccu latte d'agielli: sciuscinu
scirubetta, e muscatielli a ciarre d'uoru.
II

Lu fazzu nozze a n'agliu a nu cardune;
m'è granne lisciuttia na vallanata;
me mparavisa n'abbuttu d'acquata, a nu jascune.
Vajinu tutti a rumu a rumpicuollu, viersu sti

cappellazzi culurati currulijini tutte ste citati.

Cuomu nu ruollu.

Iu mi la cugliunijiu ad apriglianu, cuntannu

nu pallune, e na menzogna, e cantu cuomu

III

fa la zagarogna a carpanzanu.

Tutti gli sfirzi sfarzi de stu munnu le tiegnu

ngaravuottulu de culu, ca sta povera vita vurria

sulu n'ugna de cunnu.

De chissu sicca mò ne sugnu agliuttu,

nn' aju na gula, na raggia de l'ira,

chi si nn'avissi de matina e sira, un minne abbuttu.

Nun me vastera mancu lu serragliu de lu

IV

gran turchiu, e quannu cci nne sunu; de

battru a titu, curpa mia perdunu, farna lu stagliu.

Farria cchiù peju de sardanapalo, ppe sti

chiani, e sti margi le sversera e cuomu puorcu mi cci mbruscinera chi ngualu
ngualu.

Cattive, mariate, e schiette iu pigliu,

ncamate, ricche, nuobili, e frabutte, ,

e giuvinelle, vecchie, belle e brutte cuomu nu nigliu.

La nivura, la brutta me cunforta, la janca ccu

V

la russa me nnamura, e tante vote me minte nnavannura la faccie smorta.

L'auta, la vascia, la macra, la grassa la
pietti sicca ccu la minnicuta, la culi stritta,
la cularinuta, st'anima passa.

St'anima passa, e lu core me nghiaga la
dissipata ccu la graziosa: e la mudesta,
e la murriculusa tuttu m'ammaga.

A mia fa fare due parmi de mazza

VI

la calvinista, ccu la luterana, l'ebrea,
la mora, ccu la maomettana ed ogni razza.

Ncipullu forte, e fortemente arrittu ccu chi

l'ha svanu, e ccu chi l'ha plus, ccu chi l'ha nzaccannatu lu pertusu, o largu, o
strittu.

De primavera, autunnu, viernu e state, matina,
e sira, de jurnu, e de notte spanticu ppe chiavare
quattro botte due strippunate!

VII

Chiaverria, me cunfiessu, ppe ste vie, ppe
sti spinara, e ppe sti cafaruni, farrie pazzie.

Ad archibusciu, a scilica curnocchia, ed a vintugne,
ed a pitu cunnutu, a trascininiellu signu cannarutu jire e la forchia.

Ogni cunnu, ogni tiempu situ e luoco m'è zuccaru,

cubeta, mele, e manna, n'aju na gula, arrassusia,
na canna chi jiettu fuoco.

Alefantu ne vaiu, e sbaragliatu giustu cuomo
VIII

a frevaru va lu gattu ccu chista, e chilla me
mbruogliu me mbattu ppe disperatu.

Mmiescu a l'umbra, a lu scuru, e nu me
spagnu lu dicu a tutti, né mi nne vriguognu.

Aju la faccie cuomu nu vitrougnu oca me ncagnu!

Mi cce vinnera la casa ccu l'uortu.,
nne jera ngninucchiune sinu a spagna
spanticu quannu viju na papagna o nu rituortu.
IX

Me trascina, e me tira cchiù nu pilu de
cunnu, can u sciartu de galera; la farria mille vote a na sumera criditimilu.
Sulu nun futte chine un po' le logne;
la fissa sula minta "nallegría; e caccia fore la malinconia dintra le ntrogne.

E benedicu sempre, notte e jurnu chine
prima de tutti lu ngualau, e chi prima de
tutti lu ngualau, e chi prima de tutti lu pruvau stu biellu furnu.

Chine mantena la gente e le regine ? chine
X

fa tanti papi e cardinali ? tanti rrè, mperaturi,

uffiziali ? chiù ca la fregna !

Chine scarroccia tanti litterati, e tanti
consiglieri, e cortigiani ? tanti smargiassi, e tanti capitani e buon suldati ?
Veramente è la sponza dunne vene ed ogni
gaudiu, e ogni cuntetizza, dunne surje,
e dunne esce ogni dolcizza ed ogni bene.

Si nun fuossi pped'illa chi ne nnorca.

XI

L'uomu saria diavulu ncarnatu; saria na tigra,
n'ursu scatinatu, pieju de n'orca.

A tiempu l'uomini primari eranu arrassusia.

Tutti servaci, autru c amò la gente de pedaci micidiar!

Nnu cc'era legge, ritu, curte, o cona, jianu
le cose prubiche, e private, e l'autre cose
tutte sbaragliate a la carrona.

Simune nun sapia juoco nnè risu, era

XII

truoppu futsu e truoppu disculu nu cane
sbattiatu nu feruschiulu facci de mpisu.

Si fice galantuomo mentre stava ppe spiare lu
sticchiu a na quatrara, chi abazata a na vota de
jumara si lu lavava.

Veramente la fissa è nu trisuoru! Giove ppe la

liccare ad europella le celesti satau cuomu ne

mella se fice tuoru!

XIII

E n'autra vota se fice nu piulu e ne jiu tantu tiempu

maulu maulu, fice cuomu lu gattu de fra paulo miulu miulu.

E marte chillu diu tantu gappune chi se nericca,

e se sericca lu mustazzu, ppe se sciacquare na

vota lucazzu ne jiu prisume.

Pperchi ca foze vistu de na serchia quannu

facia ccu venere la pice; ncappau a la ragna cuomu turdulice chi bella lerchia!

E juta nova de la frattarià

cce scìseru de dii granne ciurmaglia

e lu pigliaru cuomu a la canaglia,

'n cugliunerìa.

Ma vrazziannu, male de lu lupiellu,

'ncosta ca se vulìa divolicare,

si nne abbuttàu de lu munciuliare

lu petticiellu!

Ccu quantu arrittazzune a quanta foja

e ccu quanti travagli e quanta pena,

Pàride se ragàu madama Lena

viersu de Troia.

Vinne 'ntimata la guerra e la rissa

ppe sulu Minelàu lu cuornivagliu,

e tutt'a Grecia se mise sbaragliu

ppe chilla fissa.

E echiù ca ppe la squèrcia intra lu 'Nfiernu

se zummullàru Prito e Tesèu!

E echiù vote cce jiu, povero Urfeu,

sebbene 'ndiernu.

Quale anticu dèanferu o deuzzu

nun si nne attrippicchiàu de cunnarizzu?

E echine nun ci l'ha n'fusu lu pizzu?

Dintra stu puzzu?

Sunnu palluni, favule e bugie

li Senocrati casti e cuntinenti,
chiste cose lle ddicu li 'mputienti,
sù 'ppcrusìe.
Ad ognu ne samu cuòmu nucilla
cce n'sapuràmu cuòmu la zibiettu
nn'è granne medicina e gran diliettu
l'erva cunnilla.